

Poruka ambasadora ITO Makota



Hvala što ste posjetili web stranicu Ambasade Japana.

U Sarajevo je već stiglo pravo ljeto, zajedno sa stabilnom situacijom vezano za pandemiju koronavirusa. Možemo vidjeti dosta turista, kako iz inostranstva tako i iz zemlje.

Međutim, napeta međunarodna situacija u kojoj je teško bilo šta predvidjeti se nastavlja. A u međuvremenu, Japan je 9. juna izabran za nestalnu zemlju članicu Vijeća sigurnosti UN-a, te će od januara sljedeće godine služiti dvogodišnji mandat kao članica tog tijela. Japan će preuzeti članstvo u Vijeću sigurnosti po dvanaesti put od pristupanja UN-u 1956. godine, što je više od bilo koje članice UN-a. Naša Vlada je spremna da kontinuirano daje doprinos u domenu međunarodne sigurnosti.

Naša Ambasada je proteklih godina realizirala brojne projekte u BiH, te je nedavno održana i prezentacija dosadašnjih aktivnosti na Projektu za izradu plana razvoja kapaciteta za upravljanje i rad javnog prevoza u Sarajevu. Veoma sam sretan što vidim uspešnu saradnju između japanskih i lokalnih eksperata na ovom projektu, koji je dao izvanredne rezultate. Iskreno se nadam da će isti doprinijeti značajnom unapređenju svakodnevnog života stanovnika Sarajeva.

Nedavno sam imao priliku da posjetim nekoliko lokalnih gradova, kako bih prisustvovao ceremonijama primopredaje za temeljne grant pomoći za projekte ljudske sigurnosti, a također sam posjetio Banju Luku kako bih ohrabrio i podržao japanske timove na Svjetskom prvenstvu u raftingu 2022. Uživao sam u ljepotama ove zemlje, naročito oko rijeke Vrbas, gdje je takmičenje i održano. Pored toga sam prisustvovao ceremoniji otvaranja karate turnira „GRAND PRIX

SARAJEVO 2022“, kao i „Evropskom judo kupu za seniore Sarajevo 2022“. Iznova sam se prijatno iznenadio popularnosti koje japanske borilačke vještine imaju u BiH.

Početkom maja sam nažalost primio tužnu vijest, a to je da je preminuo g. Ivica Osim, bivši selektor fudbalske reprezentacije Japana od 2006. godine. Prisustvovao sam komemoraciji i sahrani zajedno sa predstavnicima Japanske fudbalske asocijacije. Izuzetan doprinos i naponi g. Ivica Osima će zauvijek ostati u sjećanjima fudbalskih navijača obje zemlje. Neka njegova duša počiva u miru.

Nadalje, imao sam priliku da posjetim Srednjoškolski centar Istočna Ilidža, Fakultet političkih nauka Univerziteta u Sarajevu, te kurs japanskog jezika na Filozofskom fakultetu Univerziteta u Sarajevu. Bilo bi lijepo da imamo takvu buduću saradnju i u Banjoj Luci, Mostaru i drugim gradovima.

Iskreno se nadam nastavku vaše podrške i saradnje.

1. juli 2022. godine

Ambasador Japana u Bosni i Hercegovini

ITO Makoto

